



# Cylch Gorchwyl Y Pwyllgor Cyfathrebu

Cymeradwywyd: Mawrth 2024 (Adolygwyd: Mawrth 2024; Adolygiad nesaf: Mawrth 2026)

## Pwrpas

Mae'r Pwyllgor Cyfathrebu yn gyfrifol am oruchwylio strategaeth a pherfformiad gweithgareddau cyfathrebu a marchnata corfforaethol S4C ar ran y Bwrdd Unedol.

## Aelodaeth a Phresenoldeb Eraill

### Aelodau (5 aelod)

- Aelod Anweithredol, o blith aelodau'r Bwrdd (i gadeirio)
- 2 Aelod Anweithredol
- Y Prif Weithredwr
- Y Prif Swyddog Cynnwys

Cworwm: 3 aelod, gydag o leiaf dau Aelod Anweithredol yn bresennol.

Penodir aelodau'r Pwyllgor gan y Bwrdd, yn unol â'r aelodaeth uchod.

Gellir cyfethol aelodau anweithredol nad ydynt yn gwasanaethu ar y Bwrdd lle bod hynny'n ddymunol er mwyn sicrhau cydbwysedd sgiliau addas ymhlith aelodaeth y Pwyllgor.

### Mynychwyr nad ydynt yn aelodau

- Y Cyfarwyddwr Cyfathrebu a Marchnata
- Arweinydd y Tîm Cyfathrebu
- Y Pennaeth Marchnata
- Ysgrifennydd y Bwrdd

Gall Cadeirydd y Bwrdd fynychu cyfarfodydd o'r Pwyllgor lle nad ydyw wedi ei benodi'n aelod gan y Bwrdd. Mewn amgylchiadau o'r fath, ni fydd yn cael ei ystyried yn aelod o'r Pwyllgor o ran cwrdd â'r cworwm, na chwaith â phleidlais.

Ar gais yr Ysgrifennydd, gall Cadeirydd y Pwyllgor ganiatáu i aelodau staff S4C ac unrhyw berson arall fynychu cyfarfodydd o'r Bwrdd fel bo'n briodol.

## Cylch Gorchwyl

- Craffu ar y materion canlynol, a chytuno ar argymhelliad / argymhellion i'r Bwrdd fel bo'n briodol:
  - Datblygiad strategaethau cyfathrebu a marchnata S4C a'r mesuryddion perthnasol, ac adolygiad y strategaethau yn ôl yr angen;
  - Diwygiadau i gylch gorchwyl y Pwyllgor (fel arfer yn dilyn gwerthusiad blynyddol o'i berfformiad ei hun).
- Derbyn adroddiadau er gwybodaeth ar y materion canlynol, a chynghori'r Bwrdd a / neu'r Prif Weithredwr a'r Tîm Rheoli fel bo'n briodol:
  - Y gwaith i gyflawni'r amcanion strategol, gan ystyried ymgyrchoedd gwahanol a'r mesuryddion perthnasol;
  - Monitro a gwerthuso perfformiad cyfathrebu'r sefydliad – yn fewnol ac yn allanol – yn erbyn y mesuryddion a gytunwyd;
  - Datblygiad brand ac is-frandiau S4C, gan gynnwys mewn perthynas â chanfyddiad ac ymwybyddiaeth;
  - Trefniadau diogelu 'Enw Da' S4C, gan gynnwys trwy'r strategaethau materion cyhoeddus a chorfforaethol;
  - Y rhaglen ar gyfer ffurfio partneriaethau a chyfathrebu gyda rhanddeiliaid allanol allweddol, er mwyn sicrhau'r budd mwyaf i S4C a'i gweithgareddau;
  - Cynlluniau cyfathrebu mewnol ac allanol mewn perthynas â'r broses i drawsnewid S4C yn unol â'r Strategaeth 2022–27, a chynnig cyngor fel bo'n briodol;
  - Gwerthuso ansawdd a llwyddiant ymgyrchoedd diweddar yn erbyn y mesuryddion perthnasol a gytunwyd arnynt er mwyn adnabod gwersi i'w dysgu;
  - Cadw trosolwg o bolisiau corfforaethol sy'n berthnasol i broffil S4C fel sefydliad cyhoeddus;
  - Mewnwelediad ac ymddygiad cynulleidfaoedd S4C;
  - Unrhyw risgiau strategol fyddai â goblygiadau cyfathrebu (yn ôl yr angen);
  - Adolygu priodoldeb dulliau cyfathrebu a marchnata o bob math yng ngoleuni tueddiadau newydd, cyfleoedd newydd a newidiadau yn ymddygiad ein cynulleidfaoedd.

## Hawliau'r Pwyllgor

Gall y Pwyllgor:

- ymchwilio i unrhyw weithgaredd o fewn ei gylch gorchwyl;
- gomisiynu cyngor arbenigol neu ymchwil at ddiben y Pwyllgor yn ôl yr angen (trwy'r Ysgrifennydd); a

- geisio unrhyw wybodaeth sydd ei hangen gan unrhyw aelod o'r staff, a chyfarwyddir pob aelod o'r staff i gydweithredu ag unrhyw gais a wneir gan y Pwyllgor.

Er y gall y Cadeirydd gynnig arweiniad a chynghori ar y mathau o faterion y dylid eu cyflwyno'n ffurfiol i'r Pwyllgor, ynghyd â'r amser gorau i wneud hynny, a natur y wybodaeth sy'n briodol i'w chyflwyno i'r Pwyllgor, ni all y Cadeirydd gymryd unrhyw benderfyniadau ffurfiol ar ran y Pwyllgor oni bai bod y Pwyllgor wedi cytuno i ddirprwyo'r penderfyniad iddynt o flaen llaw.

### **Trefniadau Cyfarfodydd**

Cynhelir y cyfarfodydd o leiaf deirgwaith y flwyddyn, ac yna yn ôl y galw (ar gais yr Ysgrifennydd, Cadeirydd y Pwyllgor, neu Gadeirydd y Bwrdd).

Gall y Pwyllgor ystyried a chymeradwyo materion drwy gyfathrebu y tu hwnt i gyfarfod ffurfiol, cyhyd â bod cofnod llawn o'r penderfyniad yn cael ei gadw a bod unrhyw benderfyniad a wneir y tu hwnt i gyfarfod ffurfiol yn cael ei adrodd i'r cyfarfod ffurfiol nesaf er mwyn iddo gael ei gofnodi.

Gofynnir i unigolion adael y cyfarfod pan fo gwrthdaro buddiannau yn codi (y Pwyllgor fydd â'r gair olaf mewn unrhyw achos o wrthdaro).

Bydd yr Ysgrifennydd, neu fel arall, berson cymwys a benodir gan yr Ysgrifennydd, yn cofnodi'r cyfarfod.

Bydd cofnodion a / neu adroddiadau gan y Pwyllgor yn cael eu nodi neu eu hystyried, fel y bo'n briodol, gan y Bwrdd cyn gynted â phosib yn dilyn cyfarfodydd y Pwyllgor.

<p>Yn amodol ar y darpariaethau uchod, bydd gweithgareddau'r Pwyllgor yn cael eu rheoli gan Reolau Sefydlog y Bwrdd, i'r graddau eu bod yn berthnasol.</p>
--